

मने बता दे कुंडी सोटा,
ठावण का के लेगी,
ठाकै कुंडी सोटा घोटा,
लावण का के लेगी ॥

भांग बिना मनै सरता कोन्या,
तूं जाने सै सारी,
मैं टेंशन मैं ऊपर तै या,
तेरी मरोड़ से भारी,
दिल की प्यारी आज मेरे,
मन भावण का के लेगी,
ठाकै कुंडी सोटा घोटा,
लावण का के लेगी ॥

हम फक्कड़ अवधूत महात्मा,
कोई कहे सै योगी,
जिसका कोई इलाज नहीं,
हम राम नाम के रोगी,
तूं बतलावण जोगी टहल,
बजावण का के लेगी,
ठाकै कुंडी सोटा घोटा,
लावण का के लेगी ॥

एक बार जो नशा चढ़ै तो,

चढै गात मैँ मस्ती,
इस मस्ती तैँ अमृत की,
वर्षा दिन रात बरसती,
एक ज्योत जो चसती,
दर्शन करावण का के लेगी,
ठाकै कुंडी सोटा घोटा,
लावण का के लेगी ॥

कदे कदे जब नशा उतरज्या,
मैँ हरिद्वार मैँ जाता,
नीलकंठ की पहाड़ी पै,
भक्तां नैँ दर्श कराता,
जन्म जन्म का नाता इनैँ,
निंभावण का के लेगी,
ठाकै कुंडी सोटा घोटा,
लावण का के लेगी ॥

एक भगत मनैँ प्यारा लागैँ,
कृष्ण जुएं आला,
धोला भगत सोनीपत में,
भक्ति का सैँ चाला,
विनोद भगत नैँ ढाला,
भजन सुणावण का के लेगी,
ठाकै कुंडी सोटा घोटा,
लावण का के लेगी ॥

मने बता दे कुंडी सोटा,
ठावण का के लेगी,

ठकै कुंडी सोटा घुटा,
ललवण कल के लेगी ।।

गलक / प्रेषक कृष्ण जुआं वलले
9813297388

Source:

<https://www.bharattemples.com/mane-bata-de-kundi-sota-thavan-ka-ke-legi/>



Bharat Temples

Complete Bhajans Collections - Download Free Android App

<https://play.google.com/store/apps/details?id=com.numetive.bhajans>

Facebook: <https://www.facebook.com/bharattemples/>

Telegram: <https://t.me/bharattemples>

Youtube: <https://www.youtube.com/channel/UC24oJCxZjyhhKzSUD-Lt9Tw>